



KEMENTERIAN PERPADUAN NEGARA

TEKS UCAPAN

**YB DATUK AARON AGO DAGANG
MENTERI PERPADUAN NEGARA**

SEMPENA

**MAJLIS MALAM GEMILANG
ANJUNG BESTARI@PNM**

22 JANUARI 2025 (RABU), 7.30 MALAM

**RUANG PAMERAN, ARAS 1, ANJUNG BESTARI
PERPUSTAKAAN NEGARA MALAYSIA**

Salam Malaysia Madani dan Salam Perpaduan.

SALUTASI

**Salutati terkini disediakan secara berasingan*

PENDAHULUAN

1. Saya ingin merakamkan setinggi-tinggi penghargaan kepada seluruh warga Perpustakaan Negara Malaysia atas komitmen dan usaha gigih dalam menganjurkan **Majlis Malam Gemilang Anjung Bestari@PNM** ini. Majlis ini bukan sahaja meraikan pembukaan semula bangunan yang berwajah baharu, tetapi turut memperkukuhkan tekad kita untuk menjadikan ilmu sebagai asas perpaduan negara.
2. Untuk makluman semua, **Bangunan Anjung Bestari telah diisytiharkan sebagai Tapak Warisan Kebangsaan 2007** kategori bangunan dan tertakluk kepada Akta Warisan Kebangsaan 2005 (Akta 645) berkaitan pemuliharaan dan pemeliharaan Warisan Kebangsaan.
3. Saya difahamkan bahawa Projek Pemusatan Perkhidmatan Perpustakaan merupakan **projek yang diluluskan di bawah Rolling Plan Kedua Rancangan Malaysia Kesebelas (RP2,**

RMKe-11) dengan kos yang diluluskan adalah sebanyak RM12,800,000.00.

4. Projek ini dilaksanakan bertujuan bagi memusatkan perkhidmatan perpustakaan daripada tiga (3) bangunan berbeza kepada ***all services under one complex*** di **Bangunan Anjung Bestari**.
5. Kementerian Perpaduan Negara ingin merakamkan ucapan setinggi-tinggi penghargaan dan terima kasih kepada pihak **Kementerian Pelancongan, Seni dan Budaya (MOTAC) dan Iswangsa Sendirian Berhad** kerana akhirnya berjaya menyiapkan projek ini, walaupun sedikit tersasar daripada tarikh penyiapan sebenar.
6. Bangunan Anjung Bestari ini adalah simbol kepada konsep **Harmoni dalam Kepelbagaian** yang menjadi asas kepada Malaysia. Pusat ini juga mampu menjadi jambatan yang menghubungkan masyarakat melalui empat peranan utama: **ruang pembelajaran yang inklusif, ruang dialog, pemeliharaan warisan dan budaya serta platform interaksi**.

STRATEGIK, BERSASAR DAN RELEVAN

Hadirin yang dikasihi sekalian,

7. Perpustakaan bukan sekadar gedung ilmu, tetapi ia adalah nadi pengetahuan yang menghubungkan generasi. Dalam era teknologi dan inovasi ini, **Perpustakaan Negara Malaysia (PNM)** mesti memainkan peranan lebih strategik dan bersasar untuk memastikan perkhidmatan kekal **relevan** dengan keperluan semasa.
8. **Relevan** adalah kata kunci utama. Dalam dunia yang semakin pantas berubah, keupayaan untuk menyesuaikan perkhidmatan dengan kehendak generasi baharu adalah misi penting.
9. Dengan strategi **bersasar**, kita bukan sahaja memastikan perpustakaan kekal **relevan**, tetapi juga menjadi pemangkin kepada pembangunan masyarakat berilmu. Masa depan perpustakaan bukan sekadar menjaga warisan, tetapi mencipta platform yang **inovatif** untuk ilmu berkembang tanpa batasan.

10. Oleh itu, Kementerian Perpaduan Negara menerusi Perpustakaan Negara Malaysia telah mengangkat beberapa permohonan kepada Kementerian Ekonomi di bawah **Rancangan Malaysia Ketiga Belas (RMK13)**. Antaranya:
- (i) Pembangunan Ruang Pembelajaran Interaktif dan Imersif di Perpustakaan Kanak-Kanak Perpustakaan Negara Malaysia;
 - (ii) Pemerkasaan kandungan digital melalui pendigitan dan konsolidasi kandungan secara efektif;
 - (iii) Pembangunan Platform u-Pustaka 2.0;
 - (iv) Menaiktaraf fasiliti auditorium, bilik serbaguna, bilik syarahan dan studio PNM;
 - (v) Menaik taraf perpustakaan kanak-kanak PNM;
 - (vi) Perolehan tanah di Bagan Datok Perak untuk rancangan membina Perpustakaan Digital.
11. Semoga Perpustakaan Negara Malaysia dapat dijadikan sebagai pusat ***inter-cultural centre*** yang akan menyatukan masyarakat berbilang bangsa, agama dan budaya tetapi juga mencipta ekosistem yang menyuburkan perpaduan negara dan kecemerlangan intelektual.

PENUTUP

Hadirin yang saya hormati sekalian,

12. Akhir kata, saya ingin mengambil kesempatan sekali lagi untuk mengucapkan syabas kepada semua warga kerja yang terlibat di dalam projek ini sama ada secara langsung mahupun tidak langsung. Semoga semangat dan komitmen ini dapat diteruskan untuk projek-projek yang lain pada masa akan datang.

Dengan sukacitanya saya merasmikan **Majlis Malam Gemilang Anjung Bestari@PNM.**

Sekian, terima kasih.